

EDIDAHA ÑKPQÑ OBOT SINAI

Numbers 10:1-13, 29-36

QYQHỌ UKPEP-ÑKPQ 91

Eke Mkpawawa

IKQ IBUOT: “Saña ye nnyin, ndien nnyin iyefon ye afo” (Numbers 10:29).

Nditọ Israel Etim Idem Ke Sinai

Ke isua kiet, akwa udim nditọ Israel ema enam nna ekon ekanade Obot Sinai. Ke enyọñ Obot, ke ufot obuma, ikañ ye akwa nsuñikañ, Abasi ama etiñ ikọ ọnọ nditọ Israel onyūñ ọnọ mmọ ibet Esie. Moses ama esik ekpere Abasi ke obubit enyọñ, ama onyūñ ọbọ Mbet Duop ke itiat-ñwed. Ke akai-ikot Sinai, ema ebop Ataya etiene ekikere emi Abasi ọkọnọde Moses ke obot, ndien ikañ emi okotode ke enyọñ ama edita uwa ke itie-uwa, emi okowutde ete ke Abasi ama onyime edinam mmọ. Abasi ama onyūñ ọnọ Moses ediwak item, ndikpep mme owo nte ekpeduñde ọtọ kiet ke emem ye inemesit, ke ini edude ke akai-ikot ye ini emi mmọ edidukde Canaan. Abasi ama emek mme usen usoro ye mme edinam emi edinimde ke ediwak isua ke iso. Ema enam kpukpru ñkpọ ema, ndien idahaemi ini edikem ọnọ Nditọ Israel nditọñọ isañ mmọ ñka Isoñ Eñwọñọ.

Adaha Obubit enyọñ Akada Usuñ

Adaha obubit enyọñ ke uwemeyo ye adaha ikañ ke okoneyo akada Nditọ Israel usuñ ọtọñọde ke ini emi mmọ ekekpọñde Egypt. Ke ini ema ekebop Ataya ema, obubit enyọñ ama ọsuhore ke obot edidoro ke Ufok Jehovah. Enye ama odu do ke Sinai ke ofuri isua kiet ke ini Nditọ Israel ekebetde uyo man etọñọ isañ. Oro kpukpru ini ekedi ñkpọ nda-usuñ mmọ: ke ini obubit enyọñ atuakde ada, nditọ Israel enyene ndinam nna; ndien ke ini emenerede onyūñ asañade aka iso, mmọ etọñọ isañ, ekpedi ke uwemeyo mme ke okoneyo. Ndusuk ini mmọ edu ke nna ke usen ifañ, ndusuk ọfiọñ kiet, ndusuk ñko isua kiet mme ebade oro. Edi mmọ kpukpru ini esidu ke nna ini ekededi emi obubit enyọñ atuakde ada ke Ataya.

Abasi ama ọdọhọ Moses ete anam obukpoñ iba ke silver emi mme oku edifride ke ini ekededi eke mmọ ediyomde ndisobo ye Nditọ Israel. Ndusuk ikot ekedi ndiyom mme ibuot ke ubon ndidi ọtọ kiet ke Ataya, Abasi ndikpañ utọñ mbọ item eke Moses edinọde; mme ikot eken eyedi eke ekon, mme eke editọñọ isañ. Ke ini ema eketọñọ isañ, ubon kiet-kiet ema ekeme ndifiok ke uyom ukorowo ini emi mmọ enyenede nditọñọ isañ.

Kpukpru ini owo enyene nditie mkpeme, idem ke ini mme owo edede idap, koro ndusuk ini adaha obubit enyọñ ekeme ndidaha isañ ke okoneyo, ndien nditọ Israel ekenyene nditiene ke ndo-ndo oro. Adaha oro ekedi idiọñọ ndiwut uduak Abasi, ndien mmọ ekenyene ndifiok uduak Esie ndinam. Ke ndo-ndo oro obubit enyọñ ọtọñọde ndisaña, mme uyom ukorowo enyene ndidemere mme owo nditọñọ isañ.

Nnyin kpukpru ini inyene ndidu ke mbeñidem nditim mfiok uduak Abasi, nnyūñ ñkpañ utọñ nnọ mme ọkworo-ikọ ke ufok Abasi emi ekpemedede nnyin enyūñ efride “ukorowo” enọ nnyin man oto do ekusim nnyin nte idede idap inyūñ itutde utọñ ke uyo Abasi.

Ntọñọ Isañ

Nditọ Israel idahaemi ema etim idem ema, enyūñ ebọ mme item nte edidude uwem ke Canaan, ndien ama ekem ini mmọ ndika ke Isoñ Eñwọñọ. Ke ata akpanikọ idorenyin ama esik ekpere eti-eti, koro Canaan ekedi isañ usen duopekiet kpọt ke ekpọñde Obot Sinai.

Nso ọkpọsọñ udọñ ọkọyọhọ esit mmọ ntem ke ini mmọ eketọñọde isañ! Owo million ita ye kpukpru otu eron ye ufene eken! Ke ekpri ini mmọ eyedu ke isoñ emi “ọfioroode mmọñ-eba ye aranokwok.” Ke ini esisit mmọ mmọñ enyene ebiet iduñ mmọ, emi mmọ ekemede ndiduñ ke inemesit ye ifure. Mmọ eyenyene eti isoñ emi Abasi ọkọñwọñọde ọnọ Abraham ye ubon esie, ndien mmọ iditọñọke ntak idi ifin aba. Kpukpru emi edi se Abasi ọkpọkọnọde mmọ edieke mmọ mikpetutke utọñ ke uyo Esie.

Ke nso utọ udọñ ke owo emi akabare esit obufa ọtọñọ ndinam ñkpọ nnọ Abasi! Enye enyene ata mbuotidem ete imekeme ndikan kpukpru ñkpọ, ndien ke esisit ini ke iyebọ ata akamba edidiọñ emi Abasi ọñwọñọde. Edieke enye osuk enyenede idorenyin ke Jesus onyūñ omumde mbuotidem akama, ndien Abasi anam ikpọ ñkpọ ọnọ enye. Edi mme idomo eyedi, ndien ediwak ini mme owo eyese mfina mmọ enyūñ emen enyin mmọ ekpọñ Jesus, ndien mmọ ekabade ekpa mba. Usuñ mmọ ọtọñọ ndisọñ, ndien mmọ eduok udọñ emi mmọ eketọñọde ndida ndu uwem nnọ Jehovah. Ke esisit ini mmọ ekabade emem ke utom Esie, enyūñ efre ete ke Enye ọñwọñọ ndiñwana mme ekon mmọ nnọ mmọ. Nnyin inyene ndida ntọt nto ke mme uwut-ñkpọ emi enọde nnyin eto Nditọ Israel. Nnyin imokut ediwak edidiọñ emi atakde mmọ ke ntak editut utọñ ke uyo Abasi, edi itie nnyin ndikpeme ndinem Enye esit ke kpukpru se nnyin inamde. Ndien nnyin iyedara ke mme eñwọñọ emi Enye ọnọde nditọ Esie.

Ubon Kiet-Kiet Ke Itie Esie

Ema efri ukorowo ndinam ubon Judah etoño isañ. Mme ubon Issachar ye Zebulun ema esaña ye ubon Judah ñko, koro ekesibatde mmọ ke ndusuk ini esin ke ubon Judah ke misiakke mmọ enyiñ kiet-kiet. Mmọ emi ekedi ubon emi ekeduñde ke edem usiak-utin Ataya Abasi, ke iso inua-otop esie.

Ke ini mme owo emi ekedude ke idak Judah ema eketoño isañ, mbon Gershon ye mbon Merari edu ke mbeñidem nditoño isañ ye mmọ ke mmọ ema ekefut Ataya ema. Ukpát-ñkpọ itiokiet emi ekefukdefuk emi enañ iba ekeduride ekebiom mbak Ataya emi okodobide.

Ke ini eketoño de ntak efri ukorowo, emi ekedi ini Nditọ Israel emi ekeduñde ke ñkañ usuk-usuk Ataya nditoño isañ. Mmọ emi ekedi mme ubon emi ekesañade ke idak Reuben, Simeon ye Gad ekesine do. Ndien mme Kohath emi ebiomde ñkpọ mbana Ataya ke afara mmọ ema esaña ediana. Abasi ama odoho ete ke mme ñkpọ emi edi ata ndisana ñkpọ ndiwat ke ukpát-ñkpọ ndien ekedi utom mme Levi ndikama mmọ ye uteñe Abasi.

Udiana edifri ukorowo anam mbio emi ekeduñde ke edem usoputin Ataya ndidu ke mbeñidem ndisaña. Mme ubon Ephraim, Manasseh ye Benjamin etoño ke idak Ephraim. Ndien mmọ eke etienede ke edem ke idak Dan ekedi mme ubon Asher ye Naphtali ye mme mbuaha udim emi ekekperede edem.

“Saña Ye Nnyin”

Ubon añwan Moses ekeduñ ekpere Sinai ebiet emi Nditọ Israel ema ekedu isua kiet, ndien ke ini nditọ Abasi ema ekebeñe idem nditoño isañ, Moses ama etiñ ye eyen-eka añwan esie eren mme enye ikpamaha nditiene mmọ. Abasi ama oñwoño ediwak nti ñkpọ ọnọ nditọ Esie, emi Moses okoyomde mmọ emi emade enye etiene ebuana. Isoñ Canaan ekedi isoñ emi okofonde akan akpa utatan nte ekpededi, okonyuñ ana ete edi inyene Nditọ Israel. Nte ikpanaha Hobab etiene edidara ke mfonido esie?

Nnyin emi inamde ñkpọ inọ Abasi idara ke uwak mfon Esie, ndien nnyin inyuñ ifiok ite ke Enye enyene akamba ñkpọ ọnọ mmọ emi emade Enye. Nnyin iyom nditiñ nnọ mbio efen akwa ima Abasi ke usuñ emi edinamde mmọ ñko eyom ndinam ñkpọ nnọ Enye. Nnyin ikemeke ndifiok ntak emi ediwak owo mikemeke ndiyak idiok usuñ mmọ emi adade ediwak mfina ọsok mmọ, man oto do mmọ enyene idaresit emi nditọ Abasi ikpoñ-ikpoñ efiokde. Didie ke nnyin inemesit ke ini owo ekpede ebieren nditiene nnyin nnyuñ ndara ke mme edidiọñ emi Jesus ọnọde nnyin idahaemi ke adaña emi isañade ika Isoñ Eñwoño, nnyuñ mbuana ye nnyin ke inyene heaven ke ini Jesus editoño de ntak idi nditañ ikot Esie.

MME MBUME

1. Nditọ Israel ekebigi didie ke Obot Sinai?
2. Siak mme ñkpọ emi okotibede mi.
3. Nditọ Israel ekenam didie efiok ete ke ekem ini mmọ nditoño isañ?
4. Nditọ Israel ekeka mmọñ, ebiet oro okonyuñ oyom usuñ didie?
5. Nso ke Moses eketiñ ye eyen-eka añwan esie?